



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

In qua præter Supplementum Formularum Fori extrajudicialis, accesserunt
quamplures Formulæ Fori contentiosi, necnon nonnullæ litteræ Pastorales
non minùs utiles, quàm necessariæ gubernium Ecclesiasticum
assumentibus, ab eodem Auctore annotationibus auctæ, sacræ paginæ
oraculis, & Sacr. ...

Monacellus, Franciscus

Venetiis, 1707

Monitionis faciendæ contra non incedentes. Form. V.

[urn:nbn:de:hbz:466:1-62423](https://nbn-resolving.org/urn:nbn:de:hbz:466:1-62423)

fraganti per Birruarios, ut rejectis contrariis tenet Conciol. *resolut. criminal. verb. arma resolut. 11. num. 1. & 5.* cum alijs ab eo allegatis.

22. Quæ conclusio ad praxim deduci poterit contra Clericos præsertim in Sacris Ordinatos, qui frequenter contra prohibitionem Episcopi utuntur, & deferunt Sclopum Venatorium: Nam Episcopus ex causa, & pro morum reformatione, sicuti potest augere poenam Canonum *cap. ult. de transact. cap. sicut dignum de homic. Abb. in cap. licet n. 2. de Offic. Judic. Ord. Ricc. in prax. for. Eccles. part. 2. resolut. 206. num. 1. versic. secundo*: itaut abusus tollatur, ut processus delationis dicti Sclopi ex officio, & per inquisitionem fiant indicere, & poenas pecuniarias (moderatas tamen) exigere, Vulpin. succ. Farinacc. *par. 12. quæst. 108. num. 13. Ameno de delict. & poen. tit. 7. §. 1. num. 16.* attento maxime, quod sententia, quæ tenet, quod deferentes arma contra prohibitionem Statuti, sive Edicti, non possunt puniri, nisi cum armis depræhendantur, procedit de æquitate, non autem de juris rigore, ut fatetur Zuff. *loco citato n. 105.*

23. Dixi qui frequenter Sclopo venatorio utuntur cohærendo Decreto Sac. Congregationis de quo infra *in annot. ad form. sequentem num. 2.* nam si bis, terque quaterque in anno Clericus etiam in Sacris constitutus, moderatione, & modestia servata, ac nunquam habitu Clericali dimisso, in Saltu, vel agro ad necandas aves recreationis gratia Sclopo venatorio

uteretur, non esset processandus, nec puniendus, sed cum eo connivendum, & dissimulandum *Glof. in cap. 1. de Cleric. venat. nunquam tamen licentia explicita dispensandum per ea quæ dixi part. 1. tit. 6. annot. ad form. 4. per tot. & in Appendic. annot. ad liter. Sacr. Congregat. circa Offic. in dec. num. 25. pag. 360. & tradit quoque Conciol. resolut. crim. verb. arma resolut. 24. num. 2. & 5.*

Monitionis faciendæ contra Clericos non incedentes in habitu Clericali.

FORMULA V.

SUMMARIUM.

- 1 Datur modus procedendi contra Clericos qui Edicto non parent.
- 2 Clerici incedentes personati possunt excommunicari.
Clerici recitantes in Comedijs propolis sunt coerceri poena excommunicationis ferenda Sententia. ibi.
Clericis potest prohiberi ab Episcopo delatio Sclopi sub poena suspensionis à Divinis ipso facto incurrenda dummodo fiat in Sacris. ibi.
- 3 Clerici non possunt privilegijs Clericalibus privari nisi trina monitio præcesserit.
Unica monitio habet vim trium, quando hoc disponit Statutum à Sede Apostolica approbatum, vel est factum in Synodo. ibi.

N. Episcopus N.

CITETUR, ET MONEATUR Clericus N. ad incedendum assidue in habitu, & tonsura Clericali decenti; nec non abstinendum à ludis, negotiis, & Officijs Clericis de jure prohibitis, inserviendumque saltem diebus Festivis Ecclesie N. cui fuit adscriptus cum cotta, seu superpelliceo, juxta formam, & dispositionem Constitutionum Synodaliū Edictorum emanatorum, & Sac. Concilii Tridentini Decretorum: ac incedere, abstinere, & inservire respectivè docendum infra terminum dierum alias termino elapso, & se paruisse in actis Curie non docto, videndum per Illustrissimum Dominum Episcopum sive illius Dominum Vicarium Generalem declarari, ipsum non gau-

gaudere Privilegiis Clericalibus, imò facto proprio illis esse privatam.
Et hoc primo, & prima monitione. Instante N. Promotore Fiscali Curiae Episcopalis N.

N. Cancellarius.

ADNOTATIONES.

1. **CITETUR, ET MONEATUR.**

Facta publicatione Edicti generalis super delatione habitus Clericalis, de quo in præcedenti Formula, si unus, vel plures Clerici illud spernant, & adhuc more laicorum se gerant, & Episcopus judicet expedire, ut priventur privilegiis Clericalibus: capta prius ad instantiam Promotoris Fiscalis per examen testium informatione, de non gestatione habitus, & Edicti transgressione, eodem Promotore instante decernat fieri contra eosdem monitiones, prout in formula; quibus personaliter exequutis (si fieri potest, sin minus Clericis latitantibus, Domi dimissa copia in manibus domesticorum,) prima, secunda, & tertia vice, cum aliqua inter eas dierum interpolatione, accusataque singulis vicibus in actis contumacia; si moniti non compareant, neque alio modo doceant de paritione: tunc reproductis monitionibus legitime exequutis, ac repetitis juribus, & processu, Promotor instabit pro declaratoria privationi Privilegiorum: Quam Episcopus vel ejus Vicarias Generalis ad id facultatē habens poterit concedere juxta formulam inferius subjiciendā.

2. **DE JURE PROHIBITIS.** Præter alias occupationes indecentes Clericis à jure prohibitas, quas alibi tom. 1. enumeravi, subjacent censuræ etiam sequentes, nempè. Si tempore Baccanalium incedant: personati: nam per Episcopum contra illos hæc agentes pœnam excommunicationis imponi potuisse declaravit *Congreg. Concil. in Mantuana. 10. Aprilis 1645.* nisi hoc faceret in domibus Confanguineorum, vel Clerici essent forenses *lib. 17. Dec. pag. 469.* Item si recitent in Comediis; nam quoad prophanas posse pariter Episcopum statuere contra Clericos, sive Presbyteros recitantes pœnam excommunicationis ferendæ sententiæ;

declaravit eadem *Congreg. in Sulmonen. 22. Augusti 1665. lib. Dec. 24. fol. 584.* Item eadem *Congregat. damnando delationem armorum in Sarsinaten. 12. Augusti 1645.* responsum dedit Episcopo, ipsum potuisse Edicto publico imponere Clericis in Sacris constitutis pœnam suspensionis à Divinis ipso facto incurrendam deferentibus. Archibusum: itaut illum deferentes absque licentia dictam pœnam ipso facto incurrant, & si incurti celebrassent irregulares evasisent *lib. 17. Dec. pag. 499.* Cœteris enim Clericis Minorum ordinum cum possint ad Sæcularia redire, & habitum exuere; talis pœna non convenit: quia non peccant, ita graviter Navar. *Manual. Confes. par. 2. c. 25. n. 110. vers. quia alius;* sed possunt aliis penis puniri.

3. **ET HOC PRIMO; ET PRO PRIMA MONITIONE.** Monito debet esse trina, neque sufficit una pro tribus, etiam cum longissimi temporis spatio, prout sunt text. expressi in *cap. in audientia, &c. contingit il 2. de sentent. excom. clem. Diœcesanis ubi gloss. de vit. & bon. cler. & in terminis nostris docent Grass. de effect. cleric. ff. 1. n. 896. cum duobus seq. Fagn. in d. cap. contingit num. 8. & ratio secundum Grass. cur requiratur trina, & non sufficiat unica est; quia is, qui est pluries monitus si non desistit, dicitur contemnere, & ideo propter contemptum exuitur Privilegio Clericali. Sufficeret tamen unica in duobus casibus. Primò in locis in quibus ex dispositione statuti à Sede Apostolica approbati, unica monitio; (quando quis monendus est) sufficit, prout adesse in Regnis Hispaniarum refert Grass. loco citato n. m. 899. Secundò quando monitio jam facta esset in Synodo, nam tunc generalis monitio, etiam quod sit unica tantum sub pœna privationis Privilegii clericalis habetur loco trinae monitionis, ita ut ex contraventione, ipso jure amittatur privilegium Clericale, ut per doctrinam*

Hof. Jo. Andr. Anchar. Card. & Butr. in cap. 2. ne cler. vel Monac. tenent Graff. ubi supra num. 900. & generaliter quod Constitutio Synodalis habeat vim triplicis monitionis tradunt communiter, Gratian. in cap. 36. n. 1. secund. impress. Neap. 1602. Belletr. disq. cler. par. 1. de favor. pers. §. 8. num. 4.

His præcognitis, si Episcopus vult ad Decretum privationis procedere, uti poterit formula sequenti.

Visis actis ex quibus constat Clericum N. loco N. nostræ Diocesis post publicationem nostræ, Edicti, non incessisse, neque modò incedere in habitu, & tonsura Clericali decenti, neque ulli Ecclesiæ inservire: sed more laicorum se gerere ludis negociisque, & officiis Clericis per Sac. Canones prohibitis sese immiscere, & implicare, visis monitionibus ter repetitis, & contra eundem executis, & reproducis: attenta illius contumacia, & contemptu Christi nomine invocato, auctoritate nobis tam à jure, quam à Decreto Sac. Congr. Immunitatis de Urbe concessa, dicimus, & pronunciamus præfatum (seu præfatos) Clericum N. (seu N. & N.) monitis nostris, imò verius sacrorum Canonum parere recusantem, non esse dignum privilegio clericalibus, sed factò proprio illis esse privatum, & gaudere non debere, nec posse volumus, & declaramus omni, &c.

N. Episcopus N.

N. Cancellarius.

ADNOTATIO.

1. Si verò facienda sit declaratio contra Clericum, qui in fraudem habitum clericalem reassumpsit, & pronanciandum non gaudere fori Ecclesiastici privilegio, tunc Episcopus probè pensatis, tum moribus Clerici reassumentis, tum loci, temporis, & facti circumstantiis fraudem arguentibus: si ita pro aliorum exemplo, & justitiæ complemento, sibi expedire videatur, poterit (parte tamen instante) ad sequentem declarationem devenire. Animadvertendo, quod ut Clerici non incedentes in habitu clericali privilegiis clericalibus priventur non requiritur, quod simul, & semel se immisceant negotiis à Sac. Canonibus vetitis, sed sufficit si non incedant: nam expressio negotiorum prohibitorum, quæ fit in monitione, & declaratoria, ponitur suprabundanter.

Declaratoriæ privationis privilegiorum Clericalium.

FORMULA IV.

SUMMARIUM.

1. Ad privandum Clericum privilegio clericalibus sufficit, quod non incedat in habitu clericali.

Declaratoriæ privationis privilegii Fori.

FORMULA VII.

SUMMARIUM.

1. Clerici reassumentes habitum in fraudem Judex Ecclesiasticus debet declarare eos non gaudere privilegio fori. Clerici reassumere possunt habitum clericalem quandocunque, & statim eximuntur à foro laico, nisi ad fraudem, quam Judex Ecclesiasticus cognoscit, ibi.

2. Clerici, qui per octo menses jugiter incesserunt sine habitu clericali dicuntur extorres.

Clerici, qui non deferunt coronam clericalem dicuntur comam non esse.